

**Uunga siunnersuut: Unammilleqatigiinneq pillugu Inatsisartut inatsisaata allanngortinneqarneranik Inatsisartut inatsisaat nr. xx, xx. xxx 2019-imeersaq. (Inuussutissarsiutinut immikkoortumi aalajangersimasumi unammilleqatigiinnermik aaqqissuussineq, attaveqaatit aqquataannik elektroniskiusunik aningaasalersuisarneq pillugu, kiisalu Unammilleqatigiinnermut ataatsimiititaliami ilaasortassanik toqqaasarneq)**

*Inuussutissarsiornermut Nukissiuteqarnermullu Naalakkersuisumit saqqummiunneqartoq*

**pillugu**

**Inuussutissarsiornermut Aatsitassanullu Ataatsimiititaliap**

**siunnersuutip aappassaaneerneqarneranut**

### **ISUMALIUTISSIISSUTAA**

Ataatsimiititaliap suliarinninnermini ilaasortarai:

Inatsisartunut ilaasortaq Henrik Fleischer, Siumut, Siulittaasoq

Inatsisartunut ilaasortaq Múte Bourup Egede, Inuit Ataqtigiit, Siulittaasup tullia

Inatsisartunut ilaasortaq Aqqalu Jerimiassen, Atassut

Inatsisartunut ilaasortaq Hermann Berthelsen, Siumut

Inatsisartunut ilaasortaq Randi Vestergaard Evaldsen, Demokraatit

Inatsisartunut ilaasortaq Peter Olsen, Inuit Ataqtigiit

Inatsisartunut ilaasortaq Tillie Martinussen, Suleqatigiissitsisut

UPA2019-imi ulloq 27. marts siullermeerinninnerup kingorna ataatsimiititaliap siunnersuut misissorpaa.

#### **Siunnersuutip imarisai siunertaalu**

Unammilleqatigiinnermut inatsimmi aalajangersakkamik siunnersuutikkut ilanngussisoqarpoq, nalunaarasuartaateqarnermik suliaasaqarfiup nammineerluni naleqqussaanerminik aningaasalersuisinnaaneranik qulakkeerisussamik.

Kiisalu KANUKOKA-p atorunnaarnerata kinguneratut Unammilleqatigiinnermut Aalajangiisartunut ilaasortanik toqqaariaaseq allanngortinneqarpoq.

#### **Siunnersuutip Inatsisartuni siullermeerneqarnera**

Siunnersuut Inatsisartuni taperserneqarpoq. Taamaattorli KANUKOKA-p atorunnaarsinneqarnerata kingorna siunissami kommunit sinnerlugit ilaasortassanik

toqqaasarnissap erseqqinnerusumik misissuiffigineqarnissaa kissaatigineqarluni, taamaattumillu siunnersuut ataatsimiititaliamut suliaassanngorlugu innersuunneqarpoq.

### **Tusarniaanermut akissutit**

Tusarniaanermut akissutit siunnersuummut ilanngunneqarsimapput, tamannalu ilusiliinissamut piumasaqaatinut Inatsisartut Siulittaasoqarfiannit aalajangersarneqarsimasunut naapertuuppoq.

Ataatsimiititaliap maluginiarpaa siunissami kommuninit Unammilleqatigiinnermi Aalajangiisartunut ilaasortassanik toqqaasarnissaq pillugu tunngasortaani susassaqartut soqutiginnittut akornanni naammagisimaarinninngitsoqartoq.

### **Ataatsimiititaliap siunnersuummik suliarinninnera**

Ataatsimiititaliap siunnersuut misissorpaa, taassumalu nassatarisaanik kingunissat ilanngullugit oqallisigalugit.

Aallarniutigalugu ataatsimiititaliap maluginiarpaa KANUKOKA-p atorunnaarsinneqarnerata kingorna kommunit nammineerlutik Unammilleqatigiinnermi Aalajangiisartunut ilaasortassanik inassuteqarsinnaaneratt mattunneqarsimasoq. Ataatsimiititaliap isumaqarpoq kommunit sunniuteqarsinnaanerannik killiliinissamik taassuminnga kissaateqarneq allakkut oqaatigineqarsimanngitsoq, taamaalilluni kommunit assigalugit ataatsimiititaliap isumaqarpoq kommunit sunniuteqarsinnaanerannik mattussinissamut tunngavissaqanngitsoq.

Taamatuttaaq ataatsimiititaliap siunnersuutaaqqaartoq tusarniaassutaasimasoq misissorpaa, tamatumani kaammattuutit oqaaseqaatillu ilanngutsinneqarsimaneri qulakkeerniarlugu.

Tassunga tunngatillugu ataatsimiititaliap ima oqaaseqaateqarnissani immikkut kissaatigaa:

### Akitsuutit imaluunniit akiliisitsinerit

Inatsisiliornermi oqaatsit assigiit atorneqartarnerat pingaaruteqarluinnarpoq.

Taamaalilluni ataatsimiititaliap oqaatigissallugu tunngavissaqarsoraa ataatsimiititaliap tunngaviatigut isumaqarmat akitsuutit akileraarutaasut Nunatta Karsiata iluanaaruteqarnissaa siunertaralugu akiligassanngortinneqartartut, illuatungaani akiliisitsinerit kifartuunneqarnermut aalajangersimasumut atuisutut akiliutaasut. Sammisami inatsisitigut aalajangersagarpassuaqarpoq.

Taamaalilluni unammilleqatigiinnermut inatsimmuut tunngatillugu oqaaseq akiliuteqarneq tamakkiisumik atorneqarpoq taamaalillunilu unammilleqatigiinnermut inatsisip §18-iani kattutsitsinermik akuersissuteqarnermut atatillugu atuisutut akiliut atorneqareerluni.



Tamatumani akiliut Atuisartoqarnermut Unammilleqatigiinnermullu Aqutsisoqarfimmut akilerneqassaaq soorlutaaq inatsisissatut siunnersuummi matumani aamma taamaattoqartoq.

Oqaatsip “akitsuutip” (“afgift”) siusinnerusukkut pitsaanngitsumik atorneqarsimanerata uteqqinnissaanut tigussaasumik tunngavissaqanngilaq. Illuatungaaticut siusinnerusukkut oqaasertaliussimasaniq iluanngitsunik iluarsiinissamut matumuuna periarfissaqarpoq.

Taamaalilluni ataatsimiititaliap naammagisimaarlugu paasivaa inatsisissatut siunnersuut tamanna naapertorlugu iluarsisissuteqarfiusimasoq.

#### Marloqiusamik tunngavissaqarneq

Ataatsimiititaliap maluginiarpaa §23, imm. 2-p ungasissumut attaveqaatinik atuinermut akiliuteqartarneq pillugu oqaasertalerneqarnera nalunaarasuartaateqarnermut inatsimmi ungasissumut attaveqaatinik atuinermut akitsuusiisarnermut aalajangersagaq eqqarsaatigalugu qanoq marloqiusamik tunngavissitiginera pillugu nalornilersitsisinnaasoq. Tamatuma saniaticut ataatsimiititaliap maluginiarpaa aalajangersakkap oqaasertalerneqarsimanerani niuerfimmi ineriartorneq ilanngullugu isumaliutigineqarsimanngitsoq, tassani attaveqaammik ungasissumut attaveqaatinik atuinermut tunngassuteqanngitsumik atuinermut tunngatillugu suliassaqarfimmi unammilleqatigiinnermut malittarisassat malillugit sulianik ingerlatsineq pillugu Atuisartoqarnermut Unammilleqatigiinnermullu Aqutsisoqarfimmut akiliuteqarnissamut neqeroortoq pisussaaffilerneqarmat.

Taamaammatt § 23, imm. 2-p oqaasertalerneqarnerata allanngortinneqarnissaa ataatsimiititaliamit inassutigineqarpoq, taamaalillutik suliassaqarfimmi unammilleqatigiinnermut malittarisassat malillugit sulianik ingerlatsinermut Atuisartoqarnermut Unammilleqatigiinnermullu Aqutsisoqarfimmut akiliuteqartitsisarneq kiisalu nalunaarasuartaateqarnermut inatsimmi ungasissumut attaveqaatinik atuinermut akitsuutit erseqqissumik avissaartinneqarlutik.

Tamatuma saniaticut ataatsimiititaliap inassutigaa aalajangersakkap oqaasertalerneqarnera allanngortinneqassasoq, taamaalillutik neqerooruteqartut tamarmik attaveqaammik atuinermut atatillugu aqutsisoqarfiup suliassanik ingerlatsinerata aningaasalersorneqarneranut akiliuteqartarnissamik pisussaaffilerneqarlutik.

#### **Siunnersuutip aningaasaqarnikkut kingunissai**

Siunnersuutip piviusunngortinneqarnermigut aningaasaqarnikkut kingunissai siunnersuummut nassuiaatini nalinginnaasuni allaaserineqarsimapput. Siunnersuut inuussutissarsiortunut aningaasaqarnikkut allaffissornikkullu annerusumik kinguneqassanngitsoq tassani allassimavoq tassami nalunaarasuartaateqarnermik suliassaqarfimmut akiliutigineqartartoq

tamarmiusoq allannortussaannngimmat pisortalli oqartussaasuinut agguataarineq kisimi allannortussaammat.

### **Ataatsimiititaliap inassuteqaatai**

**Inuussutissarsiornermut Aatsitassanullu Ataatsimiititaliaq isumaqatigiittoq siunnersuut pillugu ima oqaaseqassaaq:**

Ataatsimiititaliaq isumaqarpoq kommunit oqaaseqaataat uparuaataallu isiginngitsuusaarneqartariaqanngitsut. Kommunit KANUKOKA-p taamaatinneqarnerata kinguneratut Unammilleqatigiinnermut Aalajangiisartuni ilaasortanik toqqaasarnermi sunniuteqarsinnaanermut mattunneqarnissaat ataatsimiititaliamit kissaatigineqanngilaq.

Akiliuteqartitsisarnermi marloqiusamik tunngavissiinerup pilersinneqarnissaa ataatsimiititaliamit tunngavissaqarsorineqanngilaq, ataatsimullu isigalugu naliliilluni akiliutigittinniakkap annertussusia sumullu iluaqutaanissaa siunnersuutikkut erserlertunngortoq.

Taamaammat allannguutissatut siunnersuutip naleqqussarneqarnissaa ataatsimiititaliamit kissaatigineqarpoq, taamak iliornikkut ilaatigut marloqiusamik tunngavissiineq pinngitsoorneqarluni ilaatigullu kiffartuussutit suut akilerneqartarneri pillugu nalorninartoqarunnaarluni, taamatullu akiliisitsisarnermi tunngavissiissutit nalinginnaasut naapertorlugit suliaasaqarfikkaarlugu pissutsinut piviusunut naleqqussarneqarsimanera qularnartuerullugu. Tassani aamma siunissami neqerooruteqalerumaarsinnaasunut piareersarneqarluni.

Tamanna tunngavigalugu ataatsimiititaliap qulaani kaammattuutai naapertorlugit Naalakkersuisut allannguutissatut siunnersuummik saqqummiussereerpata siunnersuutip Inatsisartunit akuersissutigineqarnissaa **Inuussutissarsiornermut Aatsitassanullu Ataatsimiititaliap isumaqatigiittup inassutigaa.**

Siunnersuut aappassaaneerreqareerpat suliareqqitassanngorlugu ataatsimiititaliamut innersuunneqaqqinnissaa ataatsimiititaliamit kissaatigineqarpoq, tamatumani allannguutissatut siunnersuutit Naalakkersuisunit saqqummiunneqartussat misissuataarnissaat siunertaralugu.

Ataatsimiititaliap taama oqaaseqaateqarluni isumaliutissiisummilu allassimasutut paasinnilluni siunnersuut aappasaaniigassanngortippaa.



Henrik Fleischer  
Siulittaasoq



Múte Bourup Egede  
Siulittaasup tullia



Aqqalu Jerimiassen



Hermann Berthelsen



Randi Vestergaard Evaldsen



Peter Olsen



Tillie Martinussen